

BOSNA I HERCEGOVINA
FEDERACIJA BOSNE I HERCEGOVINE
ZENIČKODOBOJSKI KANTON

OPĆINSKI SUD U ZAVIDOVIĆIMA
Safvet bega Bašagića broj 7, Zavidovići

Set osnovnih informacija o izvršnom postupku pred ovim sudom ,
Uputa i osnovne informacije građanima

- Izvršni postupak pokreće se po prijedlogu tražioca izvršenja, a u rijetkim slučajevima po službenoj dužnosti;
- **Izvršni postupak može se pokrenuti na osnovu:**

I. izvršnih isprava:

- 1) izvršna odluka sudova i izvršno sudsko poravnanje;
- 2) izvršna odluka donesena u upravnom postupku i poravnanje u upravnom postupku ako glasi na ispunjenje novčane obaveze, ukoliko zakonom nije drukčije određeno,
- 3) izvršna notarska isprava;
- 4) druge isprave koje su zakonom određene kao izvršne isprave.

II. vjerodostojnih isprava: mjenica i ček s protestom i povratnim računom ako su potrebni za zasnivanje potraživanja i računi ili izvodi iz poslovnih knjiga za cijenu komunalnih usluga isporuke vode, toplotne energije i odvoz smeća.

- Izvršenje se provodi radnim danom u vremenu od 7,00 do 19,00 sati. Sud može zaključkom odrediti da se izvršenje provede i neradnim danom ili noću ako za to postoji opravdan razlog.
- Rješenje o izvršenju kojim se dozvoljava prijedlog tražioca izvršenja , može se pobijati prigovorom stranke (Tražioca izvršenja i izvršenika). Pored tražioca izvršenja i treće lica koje tvrdi da u pogledu predmeta izvršenja ima takvo pravo koje sprečava izvršenje može podnijeti prigovor protiv izvršenja tražeći da se izvršenje na tom predmetu proglasi nedopuštenimu obimu u kojem su prava tog trećeg lica zahvaćena izvršenjem.

- Postupak povodom prigovora protiv rješenja o izvršenju na osnovu vjerodostojne isprave kojim je osporeno potraživanje tražioca izvršenja, prijedlog za izvršenje smatrat će se tužbom i u tom slučaju sud će postupati po odredbama parničnog postupka.
- Nakon što je izvršenje već provedeno izvršenik može u istom izvršnom postupku zatražiti provođenje postupka protivizvršenja pod određenim uslovima gdje će po rješenju suda biti naloženo tražiocu izvršenja da mu vrati ono što je izvršenjem dobio.
- Tražilac izvršenja može tokom postupka, bez pristanka izvršenika, povući u cijelosti ili djelimično prijedlog za izvršenje.
- Izvršenje se provodi i prije pravosnažnosti rješenja o izvršenju ako za pojedine izvršne radnje ovim zakonom nije drukčije određeno. Izvršenje određeno na osnovu vjerodostojne isprave ne može se provesti prije pravosnažnosti rješenja o izvršenju.
- Stranka ili učesnik mogu podneskom tražiti od suda da otkloni nepravilnost koju je sudski izvršilac učinio u provođenju izvršenja.
- Izvršenje se može odložiti potpuno ili djelimično samo na prijedlog tražioca izvršenja ako provođenje rješenja nije otpočelo. Ako je provođenje izvršenja otpočelo, a izvršenik se u roku koji mu je sud odredio izjasnio protiv odlaganja, sud će odlučiti o opravdanosti prijedloga za odlaganje.

- **Izvršenje se može provoditi na :**

1) novčanim sredstima izvršenika (plata , penzija, naknade po raznim osnovama)

Izvršenje na novčanom potraživanju provodi se pljenidbom i prijenosom.

Pljenidba se provodi dostavom izvršenikovom dužniku rješenja o izvršenju kojim se izvršenikovom dužniku zabranjuje da izvršeniku ispunji novčano potraživanje, a izvršeniku se zabranjuje da to potraživanje naplati ili da inače raspolaže njim i zalogom koji je dat za njegovo osiguranje.

Ograničenja izvršenja na novčanim potraživanjima izvršenika određena su čl. 138. Zakona o izvršnom postupku.

2) pokretnim stvarima izvršenika ; zapljenom, procjenom i prodajom, te namirenjem tražioca izvršenja iz iznosa dobivenog prodajom. Svim licima koja posjeduju ili imaju kontrolu nad popisanim stvarima, zabranjuje se da njima raspolažu bez sudskog naloga.

3) nepokretnostima izvršenika , izvršenje na nepokretnosti provodi se zabilježbom izvršenja u zemljišnoj knjizi, utvrđivanjem vrijednosti nepokretnosti, prodajom nepokretnosti i namirenjem tražioca izvršenja iz iznosa dobijenog prodajom.

U slučaju izvršenja na nepokretnostima izvršenika, Izvršenik može u roku od tri dana od dana dostavljanja rješenja o izvršenju predložiti da se izvršenje odredi na drugom predmetu izvršenja. Uz prijedlog izvršenik je dužan podnijeti dokaz o svom pravu na drugom predmetu izvršenja na osnovu kojeg je na tom predmetu moguće odrediti izvršenje protiv izvršenika.

4) za izvršenje na osnovu izvršne isprave kojom je poslodavcu naloženo da zaposlenika vrati na rad i da člana organa izvršenika vrati u službu i za provedbu izvršenja, mjesno je nadležan sud na čijem je području zasnovan radni odnos.

- Za odlučivanje o prijedlogu za izvršenje na dionici i ostalim registriranim vrijednosnim papirima, te osnivačkom ili drugom udjelu u pravnom licu i za provedbu tog izvršenja, mjesno je nadležan sud na čijem se području nalazi prebivalište odnosno sjedište izvršenika kao vlasnika dionice ili udjela.
- Postupak izvršenja smatra se završenim pravosnažnošću odluke o odbacivanju ili odbijanju izvršnog prijedloga, provođenjem izvršne radnje kojom se izvršenje dovršava ili obustavom izvršenja.